



En Vigo a 15 de Xullo de 2024

**CONVENIO DE COLABORACIÓN PARA A PROMOCIÓN DA MODALIDADE
DEPORTIVA DE MONTAÑISMO E DESENVOLVEMENTO DO PLAN
CORRESPONSABLES**

REUNIDOS

Por unha parte, D. Alfonso Böck Villalva con DNI 44483820-A, en representación do Club Asociación de Escaladores Ourensáns, con CIF G32341943, e con domicilio en C/ Avilés de Taramancos 2 baixo, Ourense, en adiante, o Club.

Da outra, D. Alejandro López Sánchez con DNI 32824044-P en condición de Presidente da **FEDERACIÓN GALEGA DE MONTAÑISMO** con domicilio en C/ Fotógrafo Luís Ksado 17, Oficina 10 de Vigo con CIF: G36630259, en adiante, a Federación.

Ambas partes, actúan na representación expresada e recoñécense reciprocamente capacidade bastante para o outorgamento e formalización deste convenio e, a tal efecto:

EXPOÑEN

- I. Que para a promoción e desenvolvemento do montañismo dentro da Comunidade Autónoma Galega e no desenvolvemento do Plan Corresponsables financiado pola Secretaría Xeral Para o Deporte, e atendendo ao disposto polo artigo 56.4 da Lei 3/2012 de abril, do deporte de Galicia; a Federación Galega de Montañismo (FGM) dentro do marco das súas funcións e no ámbito das competencias públicas delegadas, actuando coma axente colaborador da Administración; realiza as actuacións recollidas neste documento co fin de expandir a práctica da propia modalidade nas localidades de residencia do club.

Que de conformidade co artigo 4º dos seus estatutos, a FGM ten como fins fundacionais, entre outros os seguintes:

- Apoiar técnica, administrativa e economicamente ós deportes de montaña e escalada en todas e cada unha das súas especialidades no territorio galego, e en actividades federativas que realicen galegos afiliados á F.G.M. fóra de Galicia.



- Aglutinar e prestar apoio ós deportistas que desenvolvan a súa actividade en calquera das modalidades que comprenden os deportes de montaña e/ou escalada, e potenciar a realización dos oportunos cursos de iniciación.
 - Representar oficialmente e de maneira exclusiva ós deportes de montaña e á escalada galegos ante os organismos e institucións autonómicas e estatais, e tamén difundir as normas e recomendacións emanadas dos mesmos.
 - Estimular e potenciar entre os cidadáns, a práctica dos deportes de montaña e/ou escalada en todas e cada unha das súas modalidades.
 - Xestionar ante organismos públicos e/ou privados os apoios e axudas de toda índole que sexan necesarios ou Útiles para os deportes de montaña e a escalada.
- II. Que entre os principais fins do Club figuran o fomentar a participación e promoción do montañismo en calquera das súas especialidades.
 - III. Que a FGM quere facer un esforzo importante para a promoción e difusión do montañismo e da igualdade entre homes e mulleres fomentando a corresponsabilidade e favorecendo a conciliación das familias con nenos e nenas menores de 16 anos inclusive, en Galicia.
 - IV. Os estatutos do devandito club foron validados e atópase correctamente inscrito no Rexistro de Entidades Deportivas de Galicia.
 - V. Que a FGM considera que a promoción nas localidades onde o club realiza a súa actividade, é relevante para o desenvolvemento do montañismo galego en atención a finalidade do plan.
 - VI. A tal fin, no marco das competencias en materia deportiva, segundo os artigo antes citados da Lei 3/2012 de abril, do deporte de Galicia; a Federación comprometeu, da subvención outorgada pola Secretaría Xeral Para o Deporte dentro do plan corresponsables, a aplicación orzamentaria necesaria para asumir unha parte dos gastos que ocasiona o cumprimento dos fins do plan, neste caso **18.092,00 euros**.

Para a valoración da cuantía que corresponde a cada club, tomase en conta o proxecto presentado e os puntos de valoración establecidos na orde da Xunta de Galicia, principalmente o número de licencias infantiles no ano en curso.



Os criterios de adxudicación e determinación da cuantía subvencionable basearásen no disposto nos criterios de valoración da orde reguladora do plan corresponsables, primando os criterios 2, 3 e 4 dos de valoración, valorando por encima do resto as constratacións e o número de licencias de deportistas de base.

Reservarase un 10% da cuantía total subvencionada para gastos de xestión da federación.

VII. En consecuencia, co fin de conseguir a máxima repercusión social, unha eficaz labor de promoción e adecuada aplicación dos recursos, as partes deciden subscribir o presente Acordo de Colaboración para a Promoción do Montañismo e desenvolvemento do Plan Corresponsables, que se rexerá polas seguintes:

VIII.

CLÁUSULAS

PRIMEIRA. Obxecto do Convenio.

O obxecto deste convenio é establecer para o período comprendido entre o 15 de xullo de 2024 e o 15 de novembro de 2024, as bases de colaboración deportiva e económica entre a FGM e o Club para a consecución dos fins do plan corresponsables, isto é:

- Sufragar os gastos ocasionados con motivo da habilitación de servizos de coidado profesional de nenas, nenos e a mocidade de ata 16 anos incluídos, a través do desenvolvemento dos seus respectivos programas deportivos, para mellorar a vida cotiá das familias equilibrando o tempo laboral, familiar e persoal.
- Ademais, preténdese fomentar a creación de emprego de calidade no sector dos coidados, para garantir a calidade dos servizos prestados a través das bolsas de coidado profesional de cara á promoción da igualdade entre mulleres e homes, e fomentar a corresponsabilidade.
- Tamén se pretende fomentar a iniciación na práctica dunha modalidade deportiva, á vez que a adquisición de hábitos de vida saudable a través da práctica do deporte potenciado os beneficios para a saúde física e mental.



SEGUNDA. Financiamento.

Co fin de cumprir o establecido na cláusula primeira, a Federación destina ao convenio un importe máximo de ata 74.484,41 euros, imputables á subvención para o desenvolvemento do Plan Corresponsables para o ano 2024.

No suposto de que o Club non realice algunha actividade recollida no programa “Convenio de colaboración para a promoción do MONTAÑISMO e desenvolvemento do Plan Corresponsables”, detraerase a parte económica correspondente e, en consecuencia, non se aboará esa parte ao Club. Non obstante, o Club poderá solicitar a modificación das actividades previstas, de características similares, co visto bo da Federación, en cuxo caso se mantería o acordo económico.

TERCEIRA. Obrigas do Club.

3.1. O Club comprométese a desenvolver o Plan Corresponsables para a habilitación de servizos de coidado profesional de nenas, nenos, mozas e mozos de ata 16 anos, desenvolvendo actividades de animación socio deportiva nas que se promocióne o montañismo, e de acordo coas obrigas contidas nas bases do plan recollidas na ORDE do 24 de maio de 2024 pola que se establecen as bases reguladoras para a concesión de subvencións, en réxime de concorrencia competitiva, a federacións deportivas de Galicia para o desenvolvemento do Plan Corresponsables a través da realización de actividades de animación sociodeportiva e se procede á súa convocatoria para o ano 2024 (código de procedemento DE402B) (DOGA de 4 de xuño de 2024):

Entre outras:

3.1.1 Deberá informar previamente das actuacións a desenvolver: contacto, localidades, instalacións, nº de grupos, horarios, duración e requisitos de participación.

3.1.2 As actividades ofertadas deberán ser gratuítas, e o Club xestionará o acceso ás actividades das nenas e nenos, priorizando no acceso ás familias monomarentais, monoparentais, vítimas de violencia de xénero e doutras formas de violencia contra a muller, mulleres en situación de desemprego de longa duración, mulleres maiores de 45 anos ou a unidades familiares nas que existan outras cargas relacionadas cos coidados. Así mesmo, nos procesos de valoración de acceso aos programas e prestacións financiadas por este Plan, terase en conta o nivel de renda e as cargas familiares das persoas que pretendan participar nos mesmos, tendendo a favorecer a gratuidade e a universalidade das actuacións.



3.1.3 Os perfís profesionais para o desenvolvemento destas actividades serán: técnica/o superior en Educación Infantil, técnica/o superior en Animación Sociocultural e Turística, técnica/o superior en Ensinanza e Animación Sociocultural e Turística, técnica/o superior en Ensinanza e Animación Sociodeportiva, técnica/o superior en Integración social, monitoras/es de ocio e tempo libre, Auxiliar de Educación Infantil ou de Xardín de Infancia, técnicos/as e monitores deportivos.

3.1.4 Adherirse ó manifesto pola igualdade no deporte firmado entre a Secretaría Xeral para o Deporte e a Secretaría Xeral de Igualdade. A sinatura deste convenio supón a aceptación de adhesión a dito manifesto.

3.1.5. Federar as persoas participantes ou tramitar o seguro escolar, se este xa estivese en funcionamento por parte da FGM.

3.2. Para a sinatura, seguimento e control do convenio, é requisito indispensable a presentación da documentación vía e-mail no enderezo: directortecnico@fedgalmon.gal.

3.3. O presente documento sirve como declaración responsable do club, que se obriga a cumprir todos os requisitos legais impostos polo plan, pola Seguridade Social, estar o tanto das súas obrigas tributarias, obrigas de imaxe e cartelería etc. puidendo ser esixidas en calquera momento pola federación para a verificación do cumprimento e, en todo, caso con fin de xustificar os gastos no momento adecuado.

3.4. Con carácter posterior á firma do convenio, o Club estará suxeito ás seguintes obrigas:

- Facilitar toda a información que lle sexa requirida e someterse ás actuacións de comprobación da Federación así como facilitar toda a información que lle sexa requirida para a comprobación do cumprimento das diferentes cláusulas do presente convenio.
- Comunicarlle á Federación a modificación de calquera das circunstancias tanto obxectiva como subxectiva que afectase a algún dos requisitos ou parámetros que figuran no presente convenio, especialmente ao concerner os datos introducidos no Anexo II-bis relativos ao Proxecto de desenvolvemento do Plan.
- Conservar os documentos xustificativos da aplicación dos fondos recibidos durante catro anos, incluídos os documentos electrónicos, para o efecto das actuacións de comprobación e control.



- Velar pola igualdade efectiva entre mulleres e homes así como cumprir o establecido na Lei 19/2007, do 11 de xullo, contra a violencia, o racismo, a xenofobia e a intolerancia no deporte. En consecuencia, os premios que conceda o Club ás persoas deportistas seranlles outorgados en condicións de igualdade por razón de xénero, e non poderá incluírse nos calendarios oficiais probas ou competicións nos que non se garanta a referida igualdade.
- Colaborar, fomentar e facilitar a participación no deporte das persoas con algunha discapacidade, tal e como se establece no artigo 51 da Lei 3/2012, do 3 de abril.
- Posibilitar a participación inclusiva de todas as persoas deportistas independentemente da súa raza, inclinación sexual, ideoloxía, sexo, discapacidade, relixión e nivel de rendemento, con especial atención nas actuacións correspondentes ao programa de deporte en idade escolar.
- Velar polo cumprimento das normas fixadas polas autoridades en materia de loita contra a violencia no deporte.
- Velar polo cumprimento por parte das entidades deportivas afiliadas á federación, das obrigas establecidas con motivo da lexislación relativa á protección xurídica do menor e ao sistema de protección da infancia e adolescencia.
- Fomentar a posta en práctica de medidas encamiñadas á prevención de accidentes deportivos con especial atención á poboación en idade escolar.
- Garantir os dereitos lingüísticos de todas as persoas, empregando o galego e o castelán nas súas comunicacións.

CUARTA. Pagamento.

A Federación realizará o pago da contía estipulada no presente convenio mediante transferencia bancaria e contra factura emitida polo club co concepto da denominación do convenio e o mes ao que se refire a factura, puidendo solicitarse as cantidades anticipadas cando sexa menester e este adianto sexa necesario para o desenvolvemento da actividade.

QUINTA. Xustificación do convenio.

5.1. Prazos de xustificación.



O club deberá presentar ante a Federación a xustificación dos gastos incurridos no momento requerido pola federación.

5.2. Documentación que se debe entregar:

Se entregará a documentación que sexa esixida pola Xunta de Galicia para a xustificación do convenio. En caso contrario poderá dar lugar a devolución da subvención total ou parcialmente.

De cara a xustificación na Xunta de Galicia, o clube comprométese a remitir a Federación as memorias, acreditación da imaxe corporativa, seguros sociais, xustificantes de pago de nóminas, modelos tributarios, certificados bancarios do gasto e demás xustificantes, antes de rematar a actividade ou nos prazos que se señalen e no momento en que sexa requerido.

5.3. Entenderanse exclusivamente por custos laborais os consistentes nas remuneracións realizadas aos traballadores contratados especificamente para o desenvolvemento deste programa, así como o do persoal da entidade que dedique a este, e as súas correspondentes cotizacións obrigatorias á Seguridade Social e á Facenda Publica (IRPF).

Sexta. Persoas destinatarias finais das actuacións obxecto do Convenio.

6.1. As actuacións destinaranse ao coidado de menores en familias con fillas e fillos de ata 16 anos inclusive, e con carácter prioritario en caso de vítimas de violencia de xénero en todas as súas manifestacións, especialmente cando teñan que acudir a interpoñer denuncias, procesos xudiciais, citas médicas e terapéuticas, ou outros trámites burocráticos; familias monomarentais e monoparentais; mulleres en situación de desemprego para realizar accións formativas ou procura activa de emprego; mulleres maiores de 45 anos ou unidades familiares nas que existan outras cargas relacionadas cos coidados.

6.2. Nos procesos de valoración de acceso aos servizos postos en marcha con cargo aos fondos recibidos deberán considerarse como criterios de valoración o nivel de renda e as cargas familiares das persoas que soliciten a participación nos mesmos.

Séptima. Vixencia do convenio e causas de resolución.

A vixencia deste convenio estenderase dende o día seguinte ao da súa sinatura ata o 15 de novembro de 2024, salvo denuncia expresa de calquera das partes.

Son causas de resolución do convenio:



1. Incumprimento total ou parcial do seu clausulado.
2. A imposibilidade de realización das actuacións descritas neste convenio por causas non imputables ás partes ou a falta de cumprimento dos requisitos documentais cando sexan esixidos.
3. O mutuo acordo entre as partes.

Novena. Supostos de reintegro.

No caso de que o Club incumprise o disposto neste convenio, a Federación revogará total ou parcialmente o importe comprometido.

Décima. Notificacións.

As notificacións de resolucións e actos administrativos practícaranse por medios electrónicos a través dos enderezos que consten na base de datos da federación.

Se o envío da notificación electrónica non foi posible por problemas técnicos practícarase a notificación polos demais medios previstos na normativa reguladora do procedemento administrativo común.

En proba de conformidade asíñase o presente no lugar e data arriba indicados.

Pola Federación:

Por ASESOU: